山庫全幸

史部

欽定四庫

史部 雲南通志卷十六下

詳校官給事中臣李 臺

刑部即中許此棒覆勘 總 校 對官中書臣朱 校官知縣臣楊懋珩 騰 绿监生臣任士鵬

妡

欽定四庫全書 雲南通志老十六下 文宗至順元年正月雲南諸王圖沁及萬户布呼阿 平章等官命中尚即碩裕實以兵討之又以河南 行省平章奇珠為雲南行省平章入番順元宣慰 嘉自立為雲南王布呼為丞相阿固呼喇呼等為 固克酬等叛攻陷中慶路仁德府晉寧州等處於 師旅考附

たこのはんは自

雲南通志

金石田石八二 使特穆爾布哈為雲南行省左丞從豫王阿喇特 會兵進討五月羅羅斯權土官宣慰撒加伯阿漏 呼相應平章特移爾布哈被害四川行省調重慶 撒宣慰司官吏降於布呼羅羅斯諸蠻俱叛與布 納錫哩由入番道進討四月烏蒙土官禄余殺烏 命諸王温都斯特榜爾将之與湖廣行省平章托歡 遇害餘衆遁還事聞詔調江制河南江西兵二萬 五路萬户以兵來救軍至境值羅羅蠻萬餘人亦 卷十六下

欠足马事主等 图 特移爾拒之斬首四百餘級四川軍亦敗撒加伯 發朵甘思圖沙瑪及鞏昌等處軍三千人付之四 喇萬户呼都克婁沙克呼博羅等皆領兵進計置順 合烏蒙蠻兵萬人攻建昌縣雲南行省右丞伊爾 川博囉亦以蒙古漸丁軍五千來會六月撒加伯 以哲爾特穆爾知院事塔瑪齊嘉琿為同知副使 元宣撫司統答刺斤軍並進又立雲南行樞密院 土官阿喇勒州土官德益叛附於禄余時諸王圖 雲南通志

金グセプノニ 星闕六日凡十七戰賊大敗潰去時雲南行省平 章托爾楚兵由永寧左丞博羅引兵由青山芒部 雲南行省亟會諸軍分道進討於是四川行省平 禄余泉潰遂奪其闋隘以通順元諸軍尋又戰七 並進陳兵周泥驛及禄余等戰殺蠻兵三百餘人 於蘆古驛七月圖沁布呼等勢愈猖獗烏撒禄余 延等兵攻順元部遣使督豫王及行樞客院四川 亦乘勢連約烏家東川芒部諸蠻謀令布呼弟巴

章奇珠等俱失期不至十一月羅羅斯撒加伯烏 州殺其弟巴廷獻誠於豫王人戰於金馬山獲伯 徳府權達噌噶齊克酬糾集義兵敗布呼於馬龍 等引兵追戰於本托山下敗之斬首五百餘級仁 撒阿達等合諸蠻萬五千人攻建昌伊爾特穆爾 討之鎮西武靖王綽斯巴勒與伊爾特楊爾碩裕實 忽及其弟巴延察爾其黨拜布巴巴延特穆爾等十 係人詠之餘賊皆潰獨禄余猶據金沙江趣進兵

大三司百公島

雲南通志

金石里五人三百 THE REPORT OF THE PARTY OF THE 戰於如橋古壁口兵交伊丽特移雨左頻中流天 **鎮斯巴勒伊爾特移商等擊敗阿禾蒙古軍於安寧** 博囉敗馬撒蠻兵射中禄余降其民鳥蒙東川易 良州蠻祭等俱款附豫王至當當驛安輯人民三 州禽阿固斬於軍前大兵抵中慶賊兵七千猶拒 於城中分兵追捕殘賊 二年正月哲爾特穆爾 同進兵伊丽特移爾倍道燕進奪金沙江十二月 洞耳後拔矢復與戰大捷遂復行省諸軍皆會駐 卷十六

たいうしたは 政禄余拒不受反為所害十月蒙古都元帥克吗 還從之九月禄余冦順元路左承特穆爾布哈禦 哈喇章羅羅斯叛者或誅或降雖已畧定其餘黨 鎮西王等已平雲南各遣使報捷上言蒙古軍及 誅之磔屍以徇諸蠻悉降惟禄余追捕未獲四月 月豫王與鎮西武靖王禽雲南賊首及諸将校悉 之雲南行省遣都事那海奉詔往諭禄余投以恭 逃鼠山谷不能必其不反側乞分兵鎮遏餘皆遣 雲南通志

金分四人人二 順帝至正元年十二月雲南楚勒罕錫里等叛詔雲 斯可發 五百餘人北上嘉之弟必昭圖來達實舉家赴海死 引兵擊阿固城黨於靖江路海中山破其栅殺賊 南行省平章政事托克托楊爾討平之 二年十二 又獲圖沁第二人子三人誅之禄余道去 月賜雲南行省祭知政事布拉三珠虎符以兵討 二十三年三月蜀賊明玉珍自将三萬人攻 七年三月雲南王博羅來獻斯可發之

大元司正 白山 明洪武十四年九月壬午命颍川侯傅友徳為征南将 乃講和 關復至七星関皆大破之元帝紀明玉珍的雲 雲南梁王奔威楚求救於大理總管段功功進兵 省 呂闔敗玉珍兵於関難江殺獲千餘級追至回蹬 王攻大理不克先是梁王忌段功殺之大理舊臣 仍立其子段寳梁王遣使刺之前後凡七攻不克 之禽玉珍弟明二在二十二年 泰知政事 徹丽特穆丽等擊敗 雲南通志 二十七年梁 行南

金どししん 萬屯曲靖沐英曰彼謂我師疲於深入未有虞心 梁王巴咱爾幹爾密遣司徒平章達爾瑪将兵十 藍玉沐葵等進攻普定普安俱下之進兵曲靖元 等率大兵由辰沅超貴州十二月辛酉傅友德率 海洋陳桓等率兵五萬由四川永寧趨馬撒友德 軍永昌侯藍玉西平侯沐英為副将軍列侯曹震 方畧師至湖廣友德悉遵上諭分遣都督郭英胡 王弼金朝與都督郭英張銓等皆從征雲南授以

九八可見正告 一 蒙盾破其前軍敵氣索退數里而陣大師畢濟友 達爾瑪悉精銳扼江岸英別遣數千人從下流潛 濟出其後鳴金鼓樹旗幟達爾瑪急撒衆禦之陣 齊師英曰巫齊恐為所扼乃整師臨流勢若欲渡 白石江矣頃之霧霧達爾瑪望見大驚友德即欲 師未至數里忽大霧四塞衝霧而行阻水則己臨 若倍道疾趨出其不意破之必美友德然之遂進 動英乃板劍督師濟江以猛而善泅者先之長刀 雲南通志

銀牙四月五三二 出師至是僅百日梁王在晉寧州固納岩赴滇池 以城降玉等整泉入城撫定其民秋毫無所犯自 大喜曲靖既平留兵成其地友德自将北攻烏撒 大敗生禽達爾瑪俘其衆數萬悉撫而遣之蠻人 徳麾兵進薄之矢石雨發聲動天地敵衆披靡遂 死之傅友德自曲猜趨烏撒郭英等已出永寧攻 西玉等至板橋梁王葉城走雲南省右丞觀音保 以應永寧之兵分遣藍玉沐英率師西趨雲南癸

蒙芒部望風歸附分遣諸将進取臨安諸路 得七星闋以通畢節又進至可渡河於是東川烏 督謝熊馮誠署司事閏二月藍玉沐英等進攻大 俱赴藍玉沐英營降遂置雲南都指揮使司以都 克呼該等及中慶武定澂江三路達嚕喝齊等官 布哈等赴曹震營降壬午曲靖宣慰司樞密同知 五年正月辛已成楚路平章閻鼐瑪貝恭政将克矩 赤水河元右逐實卜斂象拒守友德兵至大破之 雲南通志

人己可戶 上十二

金分世人人 **眾抵下關造攻具夜半遣都督胡海洋由石門** 世兵大潰進拔大理城獲世及段寶二孫乃分兵 馬腹将士隨之斬闋而入山上軍亦下腹首夾攻 道选出點營山後攀木緣嚴而登樹列旗機運明 侯王弼率兵出洱水之東超上闋為犄角勢自率 理兵至品甸段世以兵五萬扼下闋玉等遣定遠 取鶴慶畧麗江破石闋下金齒於是做爾點色 大軍望之踴躍誰詳敵衆驚亂英先驅渡河水沒 卷 閒

人二日日 八十二 聚二十萬合三十六營 兵攻城時城中乏食士卒 給之曰總兵官領大軍三十萬至矣賊驚恐拔營 烏撒用報馳回至曲靖先遣人報城中為賊所得 出奇兵擊之城不能破遂圍城為久困計沐英在 多病守将為裁與指揮謝熊嬰城固守侯賊怠軟 九月土酋楊苴等以雲南城守空虚遂相煽叛糾 叛傅友德檄沐英合兵進討大破其衆悉平之 尼平緬等處相率歸附 雲南通志 四月烏撒東川芒部復

金石里人名言 據佛光震額森布哈陷鄧川高生園雲南縣金齒土 徳自七星 関四兵率 郭英等討之破佛光寨 布延 官高大惠并商森呼圖克構燒川夷入冠屠永昌友 西討先是沐英自大理還故元右丞布延圖復叛 餘人諸部復定 十六年二月傅友德率郭英等 至與馮誠等合兵剿捕斬首六萬餘級生禽四千 通至安寧羅火邵甸晉寧江川等處據險樹柵英 **圖自焚死遂遇金沙江攻北勝府下之禽髙生升** 卷十六下

とていり あんこれ 能守之麓川之外有緬國八百媳婦國皆內附於 城池立屯堡安輯人民 雲南别命列侯王志仇成張龍分赴尋甸各府繕 髙大惠逃為白人所殺因置大理指揮使司以周 畧鄧川進平麗江平津等州蠻民降者數十萬立 是上遣耿炳文諭傳友徳藍玉等班師留沐英鎮 世襲陳桓胡海郭英張翼皆為僕 十八年正月 功進封傅友徳類國公列侯藍玉仇成王弼子孫 Į 雲南通志 十七年四月以平雲南

銀年四月白書 戰象百餘復悉定邊以報摩沙勒之役英選三萬 復命傳友德率師討平之 二十一年正月思倫 偷反率衆冠景東馬誠討之失利千户王昇死之 昌李觀亦討段首平之 十二月麓川宣慰司思 東蘭州韋富及廣南特磨道復亂沐英討平之永 斬首一千五百餘級三月思倫悉其衆號三十萬 **冠結岩於摩沙勒沐英遣都指揮第正擊破之** 十九年二月雲南臻洞西浦擺金擺榜諸蠻叛 卷十

というらいかの「 箭為三行列陣中侯象進則前行統箭俱發不退 前諸軍注矢連發矢中象左膝及脇象仆地渠長 張因率騎卒五千餘人為前鋒其渠長跨巨象直 奇兵三百挑之賊以萬人驅三十餘象逆戰指揮 還英喜曰賊不足平也乃下令軍中置火銃神機 走追射殺之諸軍課而前殺賊数百人獲一象而 騎畫夜魚行凡十五日抵賊營遣都督馮誠先出 則 次行繼之又不退則三行繼之詰旦分軍為三 雲南通志

金牙四屋白雪 THE REAL PROPERTY OF THE PERSON OF THE PERSO 衆賊黨有錫喇者亦驍勇復率衆殊死戰左師 简於兩旁置短樂其中以備擊利陣既交奉象突 指 縱火焚其寒煙焰張天還復以兵邀擊之殺傷甚 而前諸軍擊之矢石俱發聲震山谷羣象股栗走 事招綱等皆乘象象披甲背負戰樓若欄楯懸竹 将士皆鼓勇進賊悉衆出營結陣以待其渠師把 隊馬誠領其前軍正領其左 都指揮湯昭領其右 揮張因千户張崇祖率騎士乘之直掛其柳遂

葉界為左右叅将討平之 九月越州土目阿資 佛太德為在南将軍沐英陳桓為左右副将軍曹震 食死者相枕藉思倫通去 六月東川蠻復叛命 有七餘皆被失如蝟死渠帥刀斯郎理各中百餘 時賊眾大敗斬首三干級俘萬餘人生獲象三十一 矢斃象背上餘賊潰英率師追襲之賊連日不得 卻英登高望之命左右取其帥之首來左師遥見 一人按刀飛騎而下率眾更進英督戰益急不移

欠三里全事

雲南通志

食らせんしこう 能盡減我革沐英乃請置越州馬龍二衛扼其衝 州沐英使都督軍正從友德合擊大敗之斬其火 死者不可勝計生禽一千八百餘人阿資遁還越 崖壁為岩友徳以精兵促之蠻衆皆縁壁攀崖墜 其渠滿己青 二十二年正月阿資退屯普安倚 頭弄宗等五十餘人阿資窮蹙請降初阿資之遁 及十一月阿資冠普安焚封府治友徳進擊之斬 也揚言曰國家有萬軍之勇我地有萬山之險豈 卷十六下

率雲南四川兵討之 三十一年五月沐春進兵 置寧越堡 二十八年正月阿資復叛西平侯沐 春為征南大将軍都督何福徐凱為左右副将軍 偷降仍命為宣慰司 二十四年十二月阿資復 要人分兵追捕至是乃降 二十三年十一月思 緬諸蠻刁斡孟逐宜慰司思偷偷奔訴京師命沐 春平羌将軍何福禽斬於越州 三十年九月平 叛平羌将軍何福率兵討之至越州阿資接絕降

大三日南上日

雲南通志

金ピアルノファー 衆還兵擊景罕寒寒乘高據險堅守不下官軍糧 良公山直捧南甸大破之殺其渠乃名孟斬獲甚 從乃遣何福瞿能等将兵五千往討之福等踏髙 擊平緬先以兵送思倫於金齒使人諭刀斡孟不 懼率眾降春乘勝復擊崆峒寨賊夜潰走了幹孟 以警之城乘馬望見塵起蔽天不意大軍卒至驚 救之乘夜至怒江詰旦徑渡今騎 雕雕寨下揚塵 械俱盡賊勢益威福使告急於春春率五百騎往

永樂三年八百土酋入冠西平侯沐晟出次蒙自蠻 西都督黄中等送天平歸季肄伏兵殺天平中等 南國王陳日焜為其臣黎季韓所殺日焜之孫陳 以左副将軍同新城侯張輔分道伐安南先是安 通去督兵躬追斬其首以徇 思倫始得還平編悉定 天平奔憩京師季聲早辭表請天平還國上造廣 乃遣人乞降上以其反覆不之許何福尋禽斬之 四年七月命沐晟

久足四年 全馬

雲南通志

全シビル 戰連升為浮橋濟富良江與大軍會合攻多邦城 父子走海上追至日南奇羅海口悉就禽械送京 年五月張輔沐晟連敗賊兵所至如破竹黎季聲 舟分遣諸将出宣光江口昇舟夜至洮水泝流 道先驅入安南奪猛烈棚華關隘築堡駐師以造 州維摩諸蠻叛指揮發事沐昇皆以計禽之 柵 引還上怒遣将分道出師晟奉命由野蒲伐山通 破之遂掛東西都及盤難諸處 師宗元江富 力

というられたはって 傷往贊軍事十二月沐晟帥師與簡定戰於生厥 還鎮雲南 六年八月交趾首簡定反命沐晟發 萬五千九百遂置交趾各官晟還朝進封點國公 雲南貴州四川兵數萬往征之仍命兵部尚書劉 師安南平得郡四十八縣百八十六户三百十 國公張輔與沐晟合兵討交趾獲簡定等槛送京 師伏誅 九年正月命征夷将軍沐晟同副将軍 江敗績兵部尚書劉儁等死之 七年八月命英 雲南通志 4

金分正居了一 宣徳元年十二月命沐晟為征南将軍同安遠侯柳 正統二年他郎甸蠻叛都督沐昂討平之 十月麓 四千隨征季擴簡定所立偽王也 十一年十 升等由雲南分道進討交趾叛賊黎利 Ž 年正月沐晟等師至老檛三闋執陳季擴以歸誅 月沐晟與張輔合兵敗交趾賊於愛子江 張輔討交趾陳季擴勅雲南及四川等省兵二萬 卷十六下

改定四軍全書 四 事楊寧諭之不服 沐晟遣官招之不奉詔 三年十二月思任掠騰 賓玉勢弱不能輯諸夷思任遂雅眾叛於薩川侵 殺因而失官改孟養宣慰司以刀氏代之宣慰使刀 衝據路江仍自稱曰法法海王事 開上遣刑部主 衝南甸取孟養地刀賓玉奔永昌死思任遂屠騰 孟定灣甸大殺掠沐晟以聞至是復侵南甸州命 川思任反思任思倫次子也宣德中與木科相雙 雲南通志 四年正月命沐晟率左都督

晟不聽檄寧督鉤金齒賊将緬簡數挑戰政怒造 兵至金齒思任遣其將緬簡斷江立柵而守師不 得渡初思任未叛時刀賓玉常遣詣晟晟兒畜之 方政右都督沐昂討思任太監吳誠曹吉祥監軍 舟六十艘欲波江晟不可政不勝憤夜獨率其麾 至是晟遣指揮車琳等諭之降思任件許諾晟信 下渡江擊緬簡追至景罕寨破其賊栅斬首三干 之無渡江意楊寧曰兵未加稱降詐也懼有後悔 卷十六下 孟定殺大侯知州刀奉漢等破孟賴諸聚降孟建 展開敗會春暮慮瘴發烧江上積聚倉卒奔還永 急歸吾死分也遂策馬哭陣死顧勇等一軍皆沒 空泥兵被食盡知晟不力援乃遣其子疾還曰汝 昌至楚雄的問失事状晟懼罪暴卒思任犯景東 節制不遣久之以少兵往至夾象石不進改追至 深入逼思任上江頃之伏四發改求救晟怒其違 餘級獲象三十餘遂與其子瑛部将頹勇等乘勝

とこり見います

雲南通志

1:

金石区人台書 於潞江 張荣先令都指揮盧鐵擊賊大敗禁棄符驗軍犯 通昂等不能救師還的切責昂速吳亮馬翔七月 思任屯孟羅大掠據者章硬寨沐昂進克之賊宵 正月命定西伯蒋贵為征蠻将軍總兵討麓川以 通威遠州土知州刀蓋罕戰威江亦敗之 督吳亮為副将軍馬翔張紫為左右然将進討捷 等長官司五月以沐昂為左都督征南将軍右都 五年二月沐吊軍抵隴把去賊果甚近

一一日日子 一日日 罷薩川專備西北太監王根沮之不報遂命貴縣 文淵上言宜寬其天討大學士楊士奇是之英國 徐晞督軍鉤時思任遣使入朝謝罪刑部侍郎 副 先赴雲南復以副總兵李安恭将宮聚領川貴兵 誅恐示弱小夷非策上從之侍讀劉球上疏諫請 太監曹吉祥監軍兵部尚書王驥提督軍務侍郎 公張輔謂思任世職六十餘年屢抗王師釋此不 總兵劉聚泰将冉保領南京湖廣兵大發兵十 雲南通志 何

金牙巴人人 緬獲其妻妾象馬寶玉無算子思機潛匿孟養移兵討 等直捣巢穴進攻薩川積薪焚其柵思任乘舟走 麾兵直入攻其中寒各哨俱奮大敗之十二月職 至金齒分為三道進取會師上江夾攻三日不下 班楊寧主事将琳等為然謀十一月 将貴王縣等 會天大風襲命縱火焚栅因督衆乘之斬首數萬 五萬轉鉤半天下縣薦太僕寺少卿李資郎中候 級賊眾敗走保南甸之沙木籠山為連環七寨縣

久己日草 白色 蒋貴王驥軍至金齒遣使檄緬縛思任父子至軍 復出為冠復命職等往征起兵如前 伯王驥征麓川緬甸先是思任既敗走緬大軍還 餘陞賞有差 七年十月復命定西侯将贵靖遠 廣新王驥遣指揮萬城擊之郎羅懼逃入安南職 封将贵定西侯王驥靖遠伯侯璡楊寧俱轉侍郎 檄示福福安南人斯其首來献驥等班師 似功進)捷聞的職等還會維摩州蠻韋即維作亂自稱 雲南通志 八年二月

金ガロルノニ 燵 言緬願獻思任欲以重臣往取郭登請行由金 至貢章不見登遲疑不敢獻職調貴曰此給我過 op 江則絕我歸路也陳儀又自詫知天文以為熒惑 前仍進兵騰衝分遣沐昂侯璡等率東路兵徑搗 緬緬首上刺浪來會頗驕蹇登折之首氣阻乃 頭聽命十二月郭登還其國相緬剌劄以思任 楼船來獻時有嫉登功者乃議留守沙壩利 川以陳儀領前鋒三千開南牙山断賊走路使 卷十六 劄

諭緬甸許以孟養地易思任卜剌浪喜以思任妻 孥部屬三十二人付政思任 不食垂死政遂斬首 雲南軍務 **难追之兵敗自刎東路兵克孟養諸寨思機亦潛** 竄獲其妻子象馬而己驥還仍以捷聞王振庇之 上慰勞如前加購貴歲禄各三百石命楊寧祭贊 戰一晝夜焚其舟数百艘刺劄竟持思任去貴子 犯與鬼緬可伐驥乃密令蒋贵率師匝江而下大 十年十二月雲南干户王政奉動幣 雲南通志

炎足四年全書 图

方瑛等統漢土兵一十二萬至雲南十二月兵抵 思任二子思機思卜尚潛居其地 十一年春改 原官總督軍務授官聚平蠻将軍印率張斬田禮 渡江遂引還 十三年三月復議征麓川王驥以 令其來朝不至更命點國公沐斌侍郎侯雖調絕 薩川為隴川設宣撫司於隴把降劫放思機等罪 函 献京師因以卜刺浪長子銀起來為孟養宣撫 甸木邦兵討之至金沙江遣人招諭機疑懼不肯

炎定四事全書 一 思機思卜竟失所在或謂死於亂兵夷衆復立思 孟那而還諸首皆震怖謂自古漢人無至此者然 職乘勝進攻皆拔之又破芒崖山各寨踰盖養至 立思氏永當差發時兵力已疲因許之襲石金沙 江與洪誓曰石爛江枯爾乃得渡遂班師 任幼子思洪為主以状來言緬不能無其人民願 麾兵悉渡一鼓破之贼敛衆保鬼窟山立三大寨 金沙江賊柵西岸以拒職命構浮梁亘千數百尺 雲南通志

景泰五年緬執思機送京獻俘誅之 嘉靖七年尋甸土酋安銓反初仁徳府土官安詳安 正德二年雲南屬夷阿本叛巡撫吳文度討平之 周奎督兵與戰敗績遂陷尋向執知府雲南鎮巡 萬明等處進攻尋匈分守条政黄昭道兵備副使 魯因徵糧緊馬頭安銓妻於獄裸捷之銓遂叛掠 **廼屢亂降為馬頭改尋甸設流官至是知府馬性** 年十八寨夷人出降巡撫洪遠安撫之

欠己日華全華 河 東川霑益州營長輔祐追獲斬之安銓亦為其下 各土司兵與衛軍協力勒撫朝文等戰不勝欲奔 兵部尚書伍文定自京師出征按察使徐瓚議調 於會城西北門外焚軍民房屋雲南大複事聞命 年春武定土首鳳朝文反朝文素與安銓通銓妻 知袁俸知州秦健等官十三人遂與銓連兵二萬 又鳳氏也遂自殿口擁兵叛還攻武定陷之殺同 調各土司兵赴討令武定酋鳳朝文守殿江 雲南通志

金グロカノニカ **廣西徵集各省兵并檄雲南守臣集兵候師期議** 鸞討之兵部尚書毛伯温恭費軍務雲南巡撫汪 雲南兵於蓮花灘分三哨哨各兵二萬一干人以 地以為來歸人聲援 十九年六月毛伯溫等至 時安南莫登庸父子逐其主篡位上命咸寧侯仇 文或以家自縣蓮花難當交廣水陸街遣兵處其 數月乃還 十七年四月勅雲南鎮巡會討安南 阿志所獲五月文定至雲南奉古處置未盡事宜

次足四車全書 一人 例令戴罪殺賊 樾 簡督兵往剿鑑詐降請官撫諭簡命左布政使徐 國公沐朝輔巡撫汪文威經畫既定馳檄安南臣 民諭以大義又諭登庸父子果能納欽歸命亦待 副使倪象賢等盛督布政使胡宗明等督韵時點 終詣軍門降 以不死而伯温等駐師近邊登庸聞之大懼遂面 往諭為所殺事開奪石簡官切責點國公本朝 三十年元江土首那鑑反巡撫石 三十二年巡撫紀象賢奉命討 雲南通志

金シビノ 軍 陽 元 以邱上人附之遂逐索林巡撫敖宗慶奏請討之 指 氏有外行忌其婦阿偷潛謀奪嫡挟貴赴京納級 通阿倫者鳳朝文養子也朝文既誅其妾瞿氏撫 幼子守土盡職後子死子妻索林復署府事而瞿 江賊那鑑鑑自殺 揮使名鳳繼祖陽稱已襲武定知府與馬冠帶 師構黨七千人分佈四掠一心復與武定阿倫 與土縣丞王一心作亂稱混天大王以普文為 卷十六下 三十六年易門縣夷李向

火足口軍主書 一 洵自率師追阿倫至會理州斬之并誅王一心等 遂破諸夷阿倫北遁兵備愈事張澤追之被執光 **洵合師急攻賊勢窮挾澤求撫不許死之九月光** 各土官兵分路剿武定移檄點蜀巡撫舉兵接應 十四年新撫召光洵至雲南討李向陽誅之復調 殺其總管鄭竑等七十人出富民羅次界抄掠又 分遣東川營長阿科等兵攻曲靖尋甸諸府 阿倫潛奔四川會理州招集亡命誘索林與講好 雲南通志

金はせんとこ 萬歷元年大姚鐵索箐力些夷叛巡撫鄉應龍同點 貴皆附之因遣使招隴川多士寧士寧不從其養 後據其地吞併鄰境木邦土舍罕板潞江安撫線 破之殺其宣慰养紀歲紀歲子瑞體奔洞吾母家 芥瑞體結諸蠻作亂先是嘉靖初孟養思倫擊緬 應龍沐朝輔移兵東征臨安王弄山拇撰等夷平 國公沐昌祚討之七十二村悉平 二年二月鄒 月征蕎甸等夷平之 四年十二月緬酋 卷十六下

久正四年主書 守其地金騰兵備副使許天琦情諸夷附編遣指 刻本二一書天皇帝號一書养瑞體號率眾拜之 之遂據薩川罕拔復誘干崖宣撫刀怕舉之弟怕 子多忠多孝奔永昌當事不能救今歸岳鳳襲殺 揮侯度持檄招諭至迤西頭目思箇從違未決因 印令怕舉妻军氏収掌军氏军技妹也并遣人助 文附緬怕文不從與戰兵潰奔永昌罕拔取干崖 子岳鳳毒殺士寧以應之士寧妻罕氏懷印攜二 雲南通志

金ピレングノニニ 果入憂撒思箇堅壁不與戰伏乞塞險隘絕糧道 前又令水兵開江上石閘以衝潰編舟計定編兵 餘於阿瓦地絕緬糧道自督兵伏於戛撒誘緬兵 調漢土兵赴援師至騰越思箇潛令頭目領兵萬 攻之思箇告急時天琦已卒署事副使羅汝芳檄 由是決意向中國瑞體惡其倡諸夷內附大發兵 入截其歸路請援兵自龍川邀其後運西兵衝其 卜則天皇帝者卓立几上莽瑞體者傾墜於地

久已日車全書 明 兵二千無程援緬導之由間道遁去迤西知緬走 箇因緬月餘望接兵不至岳鳳知之乃集龍川夷 福連語休之巡撫王凝馳檄止汝芳兵不得發思 同事合文止援汝芳不聴乃合揭於巡撫以兵興 疫作死者山積瑞體懼請與思箇和思箇不許復 以撮金易合米始屠象馬既剥樹皮掘草根軍中 遣使速援兵無何有入賀行者恐為兵與阻移書 以俟中國援兵至首尾共擊之久之緬兵困饑甚 雲南通志

金スセイノニ 南懷首叛巡撫王凝會緊國公沐昌祚撫定之 罕民降於緬時养瑞體死子應裏嗣岳鳳執遮放 頭目刀落思送應裏又嗾應裏殺罕拔拔有子名 於内地 無援思箇敗奔騰越中途為奴郎都等執送瑞體 七年茶瑞體復率兵象侵返西報憂撒之怨中國 率眾追之緬兵大敗生還者十不一二 五年 廣 不屈遇害瑞體遂盡據逸西目兵奔永昌稍安置 十年十月岳鳳須緬兵襲破千崖土婦

攻順寧二月破猛淋塞防守指揮吳繼熟干户初 遊擊移武定然将鄧子龍為永昌然将各率募兵 按董裕會疏請兵以南京坐營中軍劉綎為騰越 甸刀落憲蓋達刀思定皆陷於編巡撫劉世曾巡 維垣皆死之是年冬干崖刀怕原雷弄廖元伯南 躡之遂入姚關 十一年正月應龍焚掠施旬進 灣甸州景宗真為鄉尊追進忠進忠奔内地應龍 進忠應裹欲价其地遣弟應龍伐之自率兵從以 雲南通志

次足四軍上 野

金グロノノニニ 破 於攀枝花地斬宗真劉級率兵出龍川猛密直抵 故猛哈思化迤西思威木邦罕鳳等俱殺緬使詣 蠻莫隴川兵於猛卯東會車里八百孟艮木秤兵 經降進忠亦集其餘衆來奔諸夷望風內附者踵 阿瓦頭目莽灼及猛密思忠蠻莫思順皆降初經 於猛炎復併眾入犯姚關子龍為壘静待大破之 五干赴援副以土兵應裏亦西會緬甸孟養孟密 魔川以岳鳳有心計厚結之以招諸夷許不死 卷十六下

父已日年主告 7 來求助遊擊劉天俸募兵五百往陣斬絕目多襲 子囊烏等俘解京師諸夷多復叛 十三年羅雄 覆數時在陣多土兵不知取級既而復往則己腐 州土首者繼紫叛劉世曽沐昌祚斬之 恭應裏 陛材右食都御史巡撫鄖陽尋下巡按御史蘇對 長遂復二城金騰兵備李材上其事劉世自以聞 陷迤西思威屬部密堵送速二城思威謀復之使 至當事不知日促經禽岳鳳挺不得己執鳳及其 雲南通志 主

金ジピル 思禮從子思仁奔猛廣猛哈思化復進奔蠻莫據 殲其魁餘黨平 破猛廣罕烘思禮奔隴川思仁奔雅益 孟養以報密堵送速之怨遂破孟拱十一月應裏 之罕送率其子思華奔騰越 索詢到同知為質抄掠抵省巡撫蕭彦伏兵擊之 籍論者冤之 十六年四月永昌姚安營兵鼓課 爛遂以胃功覆奏逮材天俸俱下獄並削劉世曾 九月應裏攻猛密罕烘率其孫 十八年應裏進兵

事者移置军烘思禮於芒市九月應裏今阿瓦迤 等練緬兵也遮越子龍發兵擊之大戰於控哈緬 備弗克逞乃同丙測奔緬應裏偽立仁於猛密當 丁苴白改夷普應春等叛撫鎮吳定沐昌祚討平 應裏圍蠻莫獅子龍率兵至卜羅思莊編退去 西犯蠻莫思化等奔等練山然将鄧子龍率兵管 退屯沙洲大兵無船不能進相持彌月編尋退去 二十年思仁叛犯朧川龍川宣撫多思順有

CANDIDAL AL MID TO

雲南通志

金グビルクラで 出 雷哈都指揮錢中選張先聲出蠻哈守偷張先蔭 卯 思化敗走墨等分道內犯並出隴川多思順奔猛 誘鼓行而前伏發官軍被截後二營相繼退奔監 軍同知姚允升以殘軍畫伏夜行望等練諸山火 入乃分部以然将王一麟奪等練中軍盧承爵出 打線一麟擊其前承爵中選擊其左右為賊所 一十一年十二月應裏遣允墨率兵入據蠻莫 二十二年春巡撫陳用賓出駐永昌聞賊大 卷十六

及己可華全書 成之又募習夷路者閩人黄襲使暹羅約其王得 本邦據曩義山永昌同知漆文昌計授本邦罕欽 楞内外夾擊緬多俺自遮放敗還不復歸猛卯投 緬數入犯藥八關於騰衝之邊每四關設一守備 **丙測由猛卯襲遮放官兵戰卻之巡撫陳用賓以** 多泰等擊俺殺其子多荒 十二月多俺糾思仁 猛卵多俺實導之多思順怨俺乃糾思化并芒市 光知賊已焚巢退去因稱勝而還緬竟取道龍川 雲南通志

金シリ 奉學女夫順寧土官猛廷瑞興兵助奉學陳用賓 蠻莫思化求救恭将吳顯忠率兵擊走之斬丙測 多烘多曩斬之 二十四年二月築平麓城於猛 川地阡陌膏腴多俺既死無主乃議以營兵任屯 令禽之謀洩俺欲奔罷古欽追及於雷聳并其子 非營兵而願屯者聽 十月編遣思仁丙測等冦 卯大興屯田是時邊事旁午詢費不貴猛卯古麓 二十五年大侯州土官奉赦與弟奉學相攻殺 巻ーハト

九日日年七島 四 猛思賢等叛陳用賓同沐昌祚討平之 二十 年矣堵十三寨莽亢等復叛陳用賓等再討平之 受賄縱賊下獄死人咸冤之 二十六年諸蠻皆 攻思轟檄各土司禦之緬潰歸 九月順大歪轟 絕緬入貢孟養思轟亦棄緬來歸 二十七年緬 忠再集兵攻之誅奉學執廷瑞送軍門坐先著以 今禽奉學自贖廷瑞乘問道入觀音山勢復振顯 遣然将吳顯忠往討廷瑞圍急乞降巡道李先者 雲南通志

金いりかん 敗還橋折一軍皆沒總督李化龍以賜劍斬崇爵 爵等至烏江與賊戰勝之俄而賊兵數萬掩至遂 陳用賓駐曲靖點國公沐叡駐霑益遣祭将謝崇 隴 順大始定 **禮率兵從之正奔騰越當事殺正以止兵** 二年緬攻猛密徵兵於思轟然将王廷光止轟無)1] 二十九年蠻莫思化子思正乘多思順之喪襲 三十年阿瓦雍军攻思正木邦军拔子军 命雲南撫鎮協討播商楊應龍巡撫 褁

たこり見ととう 指揮金守仁千户王應爵男婦四百五十餘人千 舉獨稱豪有力且富于財知府陳典以康訪以禁 是者再四舉惡其無歐乃與阿克等攻破府城殺 之舉以兼金置魚腹中饋典獲免已而復収之如 年武定夷阿克反先是阿克有馬頭四十八人鄭 賓遣副将陳寅禽緬目多罕復蠻莫界 三十五 年救之不及酋長忠華據其地 三十三年陳用 發轟從之縛 献其使 緬怒攻轟轟走死都司王萬 雲南通志

金好吃吃人 尋的夷目大理保楊禮亦屢被官司責辱結連夷 歸攻元謀和曲諸城未一月陷一府三州四縣會 去又明日復來鎮撫不得已以印絕與之始拔營 空時陳典以入賀在會城城索其印甚急許之乃 北 官白明通以兵隨其後直抵會城竟無一卒迎戰 明通至城下請以冠帶印信給賊不許明日賊從 門外逸西南而東分道四掠沿村鎮市焚封 梅應時等力戰死事詳十二月阿克鄭舉擁推

九己日日白 陳 十六年正月左布政使彭應時祭政楊俊臣副使 同知孫台监督自當明追賊尋甸優戰旨捷 史周懋相侯代駐曲靖調霑益上司安紹慶兵檄 兵赴救城退歸攻尋甸殺指揮諸藩裕等巡按御 之賊進逼楊林都司汪如淵率上司禄崇功季鳳 印知事李性先奪印逃吏目韋宗孝學正龍旌死 目招補阿白者色及夷婦海冲等叛攻破萬明署 **裪都司范繼斌等率兵分剿阿克鄭舉是月賊** 雲南通志

金与正人人 擊段展禽楊禮妾及子三人兩路賊俱平俘阿克 等九名於京致仕點國公沐昌祚疏論失事状語 政楊俊臣率廣南儂兵亦擊敗海冲等得萬明州 獻軍前左布政彭應時復禽其黨鄭文鄭宗舜恭 克等奔東川官兵壓其境土司禄哲縛阿克鄭樂 汪 各印信惟武定印竟失所在副使羅希益同都司 禄豊知縣為夢賜死之六月諸路合兵劉城阿 如淵督安紹慶兵斬楊禮子成俘妻妾三口遊

縣毛文彬俱下獄 三十八年龍川土司多安明 定知府陳典推官白明通禄勸知州黄榜元謀知 刀春琪勾交趾兵入犯攻破五邦等地王弄土舍 誤具奏行滇點兩省會問 絡慶以讐構兵克臣率兵入霑益殺傷甚眾周嘉 叛入緬巡撫周嘉謨檄兵備副使黄文炳追斬之 及其子敵部逮敵及巡撫陳用賓都司張名世武 四十一年二月水西土酋安克臣與霑益土司安 四十八年建水土首

久足日東 在 等

雲南通志

金ピクセルノニア 天啟元年九月四川永寧土首奢崇明奢寅貴州土 華監紀分道赴援十二月都司李天常率援緊兵 舍安邦彦相繼反兩省羽書交至徵兵於雲南十 沙源率眾堵截勝之斬其偽侯伯三人 水舖伏發全軍皆沒天常死之 二年正月都司 四千人至安南衛水西賊将羅應奎偽降誘至豐 月巡撫沈儆炌調闔省土兵於曲靖以副使黄士 明廷将三千人接蜀時烏撒土首安効良先與 卷十

追東川土酋禄干鍾復反與霑撒土賊合攻嵩明 督兵守武定張世臣來攻思忠與戰大敗之世臣 陷他頗補知二堡沈做妳以便宜起然将季思忠 衛殺官吏武定夷目張世臣糾小東川賊千餘攻 甸松林炎方交水白水六跖堡俱不守併陷平夷 設科及土目補鮮奈科季賢期曲等俱叛霑益倘 **効良伏兵阻截明廷戰敗死之** 邦彦通陷烏撒衛殺指揮管良相明廷兵至畢節 二月霑益土婦

欠己日奉公告 一

雲南通志

金にくせるといって 賊至霑拒戰官軍陷沒加培嘉映俱戰死 加培周嘉映自交水督兵進雲益安效良率水鳥 州郭俊義戰敗被殺 征力戰有功設科等復入陸凉州境焚利各鄉知 田武定土司吾必奎等俱以巡撫檄率調土兵從 州土司禄永命阿迷土司普名聲石屏土司龍在 督守備金為貴上司沙源等馳枚擊走之是時寧 知州王育德率軍民固守做外便宜起泰将袁善 卷十六下 四月恭将尹改易守備李

敗之遁去 十一月兵備泰議王英泰将尹改易 舉官李瑗等率兵襲張世臣於他頗斬之武尋平 以計禽設科李賢誅之 四年七月閱洪學檄武 次恢復 五月水西普安賊攻平夷守将袁善擊 遣袁善施翰李思忠沙源吾必奎等率兵討賊漸 至真遣兵攻羅平復之安應龍走需益洪學復分 越州衞九月圍羅平州 三年正月新撫閔洪學 亦佐營長安應龍引賊補鮓等陷亦佐縣八月冦

九己日中白 日

雲南通志

金グロルノニー 來獻勞其使而歸之行至曲靖遇盜被殺會點無 王三善為安邦彦黨陳其愚所許被害於大方道 賊勢衰陽為恭順遂以應龍首及烏撒衛所各印 誅檄安如良縛獻安應龍以自贖効良持而端見 俘斬餘黨悉降立十二哨於其地戍之 五年三 方関洪學檄分守副使胡其慥遊擊劉崇禮搜捕 月烏撒安郊良復叛先是設科李賢張世臣等己 月新化新平城首魯魁魯克等伏箐刘掠地

竜戈資者為之鄉導從山路通歸鳥撒事平重搞 表善等大敗之於馬龍州賊由尋甸通回假道東 乘勝問出與必至內外夾擊復大敗之賊通五月安 戰五日夜卻之吾必奎堅守炎方以老賊衆袁善 **幼良復糾水西入悉閔洪學檄布政使謝存仁及** 明等共為三十九營直抵霑益袁善督沙源等力 川東川奉巡撫檄以木塞路不得通有阿遣馬頭 中水西賊勢復熾効良因以殺使為辭合邦彦崇

たとり日日日

雲南通志

金ガノロールノニーで 崇禎三年點國公沐天波巡撫王仇巡按甘學潤屯 東川購獲竜戈資誅之 御史傅宗龍援點及宗龍以內艱歸名聲亦回授 與沙源吾必奎等俱奉調率兵破賊有功既而隨 迷上酋普名聲初名聲為馬者哨哨頭水烏之亂 王依統滇縣蜀土司吾必奎等屯兵臨安以討阿 兵曲靖劉安効良設科餘黨雞世昌平之 四年 阿迷土知州日益驕蹇後巡按御史趙洪範至臨 卷

大色日本 全事 王仇遣名聲故交莊承差往諭名聲留之伴使 迷名聲使人以重賄誘吾必全復使其下偽約降 果有即討之言名聲遂反仇奏請檄調點蜀兵會 計以右布政使周士昌監軍擊名聲敗之進圍阿 懼 州土官禄滉與名聲互計人傳仇欲劉名聲名聲 書巡撫王仇謂其養癰仇亦習聞名聲不法時寧 安名聲率兵近之戈甲旗幟列數里洪範惡之胎 乃許為禄土官家人訴名聲于仇以硯虚實仇 雲南通志

行うせ 聲 皆 告急且密語左右曰官兵四至皆不慮但從某箐 督朱燮元至自點以兵威撫定馬 将温如珍都之事聞逮王仇及巡按趙洪範時 遣将朱永吉往攻某箐伏發必奎賣陣先走全師 入甚為可憂莊得名聲語歸告仇仇不知為計遂 初名聲叛其兵頭何天衢不從反正自幼名聲 陷士昌及於陣永吉亦力戰死名聲犯臨安泰 雖戰勝仍巧詞乞撫當道懲前事不復置討總 十六 五年普名聲

人已写真 在自 本朝順治二年九月元謀上酉吾必奎反初必奎之先 居故地自阿迷賣陣後桀驁益甚會點國公沐天 為元謀土知縣久絕不嗣至必全以戰功得官 氏遂降 而赘定洲 源諸子定海定洲通招定海為贅肾己復殺定海 被殺廣西知府張繼孟單騎入賊營諭以利害萬 移兵攻之中砲死其妻萬氏雅眾據阿迷州與沙 六年巡按姜思春議撫萬氏所遣軟 重南 通志 仍

金分巴尼白雪 雄諸郡縣天波調各上司從大贄進剿十月大勢 與土司禄永命龍在田擊破必奎禽斬之元謀平 諸夷必奎不能堪至是遂聚眾反陷武定禄勸楚 波 遣祭将李大贄屯會川以防流冠大勢數侵擾 定洲始至留屯省城外不肯歸聞天波家饒富足 **魚有安南阿迷之衆復併在夷地南至交两及吾** 必全反天波調定洲赴剿逗留不進必全已伏誅 十二月安南土首沙定洲反初定洲既贅萬氏

次足四車全書 一 金倉道副使楊畏知奉調監軍至楚雄人留之畏 在楚雄自率衆退之是時楚雄新為吾必奎所破 錫衮置貢院角之與兆元傳檄各州縣旋開天波 楚雄定洲因盡得沐氏所有據省城封巡撫吳兆 元為題請代天波鎮真又至禄豐執家居詹事王 太夫人陳氏夫人其氏俱自焚死事詳天波遂奔 行率衆襲天波時變起倉卒天波由小竇出西城 定洲心動陰結其左右為內應以是月朔入城辭 雲南通志

昌使楚得為備賊即西追恐楚襲其後留攻楚又 武定推官陶光印固守攻四十餘日乃去 李日芳等分攻大理蒙化陷之屠殺以萬計又圍 楚雄門閉不得入為畏知所給遂去遣其黨王朔 恐公從西來首尾牽制上策也天波從之定洲至 日公在楚賊以全力聚攻城必破公不如西走永 洲復攻楚雄時賊恐畏知截其歸路又聞返東 遂駐楚聞定洲西出與天波計守禦之具木集 卷十六下

生ジロノ

固守經八十餘日糧盡援絕幾不能支會流悉張 大管統之環楚城鑿濠三重為久困計畏知竭力 那縣入引兵而西分為七十二營每七營各為一 四年正月沙定洲復攻楚雄時定洲既陷迤東諸 稍引去東攻石屏石屏守堅復回攻寧州破之 竭力攻楚雄楚雄守具己集屢攻不能下畏知視 禄永命龍在田等各自守因不敢至永昌撤兵還 懈軟出奇兵奮擊前後所殺甚眾圍數月賊稍

段定四軍全書

雲南通志

獻忠死餘黨孫可望李定國劉文秀文能奇率 兵由遵義入贵州龍在田使人告變且勸其至滇 楼遁走臨安可望知定洲走即由陸凉宜良趣省 揾 等破曲靖及交水俱屠之執巡按羅國獻聲言欲 望等入滇賊撤兵往援曲靖乃解圍去 可望因詐稱點國焦夫人弟率兵來復仇三月 聞之大懼遂殺故詹事王錫衮於貢院焚南城 定洲巢穴分兵出蛇花口定洲時自楚雄還省 孫可望 可

沐天波在永昌可望至大理以書招之天波遣子 許之即執箭對誓逆西得免屠戮畏知之力也 時 望閒其名不殺誘降之畏知曰果爾從吾三事 逼迤西楊畏知禦於禄豐之獅子口兵敗被執可 復屠晉寧昆陽呈貢歸化 八月孫可望自率兵 不用献忠偽號二不殺百姓三不虜婦女可望皆 文秀屠武定李定國屠臨安還至晉寧鄉兵拒之 據雲南 五月孫可望分遣諸将狗追東諸郡劉

飲之四車全書

重南通志

於嘉賓營定國值得之率兵處至圍以木城困守 嘉賓陳長壽等各據一山立營相去數十里為掎 三閱月絕其水源諸蠻懼出降者相續遂械定洲 角之勢私通交趾借其援以固結蠻心一日偶集 走歸臨安屯兵佴革竜與萬氏分險自守其下湯 省 永昌會天波於北城樓遂橋之同楊畏知等俱至 報命可望厚待天波子陰使劉文秀隨之疾馳至 五年八月李定國禽沙定洲及萬氏初定洲

人工可自己一方 通定國以圖可望值定國在廣西不能且夕相接 根奔廣南可望安置於安籠吳貞毓等從由根謀 王尋以偽将軍賀九儀譜執楊畏知殺之至是由 召滇點聞由根稱偽號廣西遣使請封乃偽封泰 安龍所初可望既禽沙定洲自以無名爵難於號 月大師取廣西明宗室由根奔廣南可望安置於 人席上珍起兵討可望被執不屈死之 萬氏等數百人回省際於市 雲南通志 六年六月姚安聚 1. 1. 九年

金万巴万百量 望遂密遣馬寶武大定張勝由尋甸間道襲省城 殺之既而釋之至是舉兵復以文選為總統九月 適定國至遂與合謀送由根入滇文選回可望欲 之遣其将白文選欲先挾由根入點文選至安籠 可望知之遣人殺貞毓等十餘人 本部降定國可望大驚欲回兵諸将力爭乃止可 李定國劉文秀逆於曲靖之三岔口文選夜率其 自贵州舉兵入滇先是李定國由廣西還可望聞 十四年可望

10 10 VI VI VI 劉給張勝不由間道反出楊林至則舉火省城及 持可望将馬進忠以其事密報定國定國與文選 曲靖皆知之悉嚴兵以待勝至省城絕内應又聞 疾擊之可望大敗走時馬寶武大定亦密受由根 可望敗遂焚掠而逃為定國所禽馬實等同入滇 軍前歸該 潛通其心腹王尚禮為內應自領重兵與定國相 十月可望還貴州旋赴長沙經畧閣部洪承疇 独南通志

詔封義王 金分四屋 白書 命安遠靖冠大将軍信郡王鐸尼由貴州征南将軍固 歸 等連營於安籠所七星闋雞公肯扼險拒守大師 下都統李國翰由四川三路取滇李定國白文選 走返西十二月大師三路會於曲靖返東各郡皆 自水西潛度七星闋統其後定國等潰敗同由根 山趙布泰由廣西平西王吳三桂定西侯墨勒根 附 十五年 十六年正月朔大師抵雲南二月兵進返

ラン・ション ニナア 一門 古優似三品等放雙禮赴京安置 六月 命洪承畴至滇南議進緬機宜招撫流民偽将王會等 品等投誠禽偽慶陽王馬雙禮來獻奉 艮由根走緬甸白文選走猛緬 死柜大師趙布泰吳三桂力戰破之李定國走孟 根至騰越州李定國復集兵於磨盤石树栅扼險 西追殺王國熟於普溯又敗白文選於玉龍闋 屬歸降景東家化麗江姚安北勝鶴慶定遠巷 雲南通志 三月偽将狄三

多次四月全書 命吳三桂為總管移鎮雲南 十八年正月李定國攻 悉降 波之子忠顯 十月偽将李如碧馬寶楊國明等 臣暗通李定國叛鐸尼吳三桂討平之并獲沐天 恶後先歸附 雄永昌鎮沅升四川烏撒東川烏蒙鎮雄等土司 緬甸緬酋請救吳三桂發永昌騰越等處防邊兵 遙應之 十七年正月 四月昆明妖人張錡尹士鎮梅阿四等 九月元江土首那萬偽總兵許名

康熙元年正月緬酋殺明宗室及沐天波等數百人 文秀子震來降眾悉平爱星阿公等班師 偽将馬思良胡順都王道亨以定國子嗣與及 大師次緬遂獻由根 八月李定國死於景線其 至木邦分兵追白文選於茶山降之并降其黨萬 凱旋十一月愛星阿公吳三桂領滿漢兵入緬師 謀叛伏誅 五月定西将軍愛星阿公至滇大師

大江口西上西西 一

雲南通志

里五

金んへ口 倘 李成林糾合納樓普率教化張長壽枯木龍元慶 **迤東土 舊寧州禄昌賢新興王耀祖昭峨禄益王** 追禽之斬於市明年水西等處悉平 坤等負固久不下三桂計禽如鼎坤走烏蒙烏撒 吳三桂請討水西土酋安坤安如鼎等兵次水西 根陸京資洪彌勒吊復祖維摩沈應麟沈兆麟 揚祖王弄王朔蒙自李日森李世藩李世屏八寨 旬葉向陽葉正昌石屏龍韜龍飛楊路南秦祖 四年三月

大三日日 上自 禄昌賢王朔張長壽李成林李世藩李日森沈應 吳三桂分剿家自新與邱北等處克之禽王耀祖 次第 剿唱峨新興易門等城七月十三元張國柱 張國柱發兵討之吳三桂自水西遣王輔臣援彌 等州縣各郡震動總督卞三元巡撫表懋功提督 勒趙得勝援石屏賊遁四月吳三桂自烏家回師 安陷蒙自嶍峨寧州易門圍彌勒通海石屏宜良 承祖王義王先任王先倫等謀叛衆至数萬攻臨 雲南通志

命搬移家口逆黨胡國柱吳應期吳國貴夏國相郭 記無其餘黨李世屏普率勢窮來降悉寬其死迎東悉 金分世人人 法王哈馬臨清格丁等挈家來奔 十二年十 麟龍元慶儂得功悉誅之 圖 衛璞方光琛方學範等密畫於內馬寶力贊於 月吳三桂反初三桂以蓄亡命久謀不軌適 張國柱高起隆王屏藩等應之殺巡撫朱國治 九月蒙古侵據麗江府屬中甸地西番二寶

た.19·bl Aidin 同 荆 圖皆死之三桂遂使吳國貴為前鋒徑冠辰沅 副将姜義先已從賊文焜父子及筆帖式何善雅 為接應雲貴總督甘文焜知勢不可為謀趨守鎮 遠扼賊咽喉以徵調授兵力圖恢復比至鎮遠而 按察使李興元不屈械繋於獄雲南知府髙顯辰 同 西孫延齡馬雄廣東尚之信福建耿精忠同反 知劉崑皆被杖安置復潛通貴州提督李本深 江使王屏藩由蜀冠漢中夏國相冠江西又 雲南通志

到方四屋 白雪 上命滿漢大兵討之賊不敢渡江既而四川兩廣次第 望大師 十六年吳三桂求援於蒙古割麗江江 数省騷動 内喇普地路之 十七年吳三桂死於衡州 克復三桂屯兵湖南搜括糧詢真民困憊引領以 師取貴州先是郭壮圖等因吳三桂死擁其孫世 不克朝龍敗由土番走京師進學死 十九年大 年海朝龍起兵鶴慶田進學起兵永昌討吳賊 卷十六下

ここりられる 保正黄旗先鋒統領陝納海鑲白旗副都統蟒紀 章恭統征南将軍移占鑲藍旗恭贊都統刺賽正 都統官保鑲黃旗內閣學士魚禮部侍郎薩海署 旗副都統公圖正白旗副都統宜思孝正藍旗副 録正黄旗副都統陶代鑲紅旗副都統花色正蓝 白旗前鋒統領薩克查巴圖魯正藍旗都統釋迎 副 **潘進屯贵州以拒大師及定遠平冠大将軍貝子** 都統盧崇峻級遠将軍湖廣總督蔡毓榮江西 雲南通志 四十八

銀分四四百百 世璠遣偽将軍線絨屯兵江西坡死險以持章泰 總 旗恭贊都統馬齊鑲紅旗泰贊都統趙連鑲藍旗 藍旗条贊都統勒貝正紅旗祭贊都統希福鑲白 月世藩遁回雲南 本 嶺取鎮遠清平破偽将軍韓天福於平越十 西提督周卜世等滿漢官兵由湖廣克辰龍關楓 大敗之賊分兵據黄草壩征南大将軍賴塔統正 督董衛國建義将軍林與珠貴州提督趙賴 二十年正月大師克盤江吳

ところして日本 贼後大破之二月赖塔至曲靖全城歸附線減始 糧糗為慮巡撫伊闢布政使王繼文開誠遍諭安 遣郭壮圖悉精銳迎戰大師夾攻大破於呼馬山 遁章泰遂會師於曲靖十九日師抵雲南吳世璠 下贼嬰城拒守大師圍之時滿漢兵數十萬方以 玉等滿漢兵由四城州奪石門坎拔安龍所統出 副都統祖植椿兩廣總督金光祖福州将軍馬九 護軍統領額黑里鑲 紅旗副都統洪實錄銀白旗 雲南通志 小九

命學士佛倫侍郎金鉉等馳至軍中總理糧儲四月賊 金石でんとう 緒季匡自殺禽高起隆等俘馬寶夏國相於京餘 卒於軍以王繼文為巡撫田放光為布政使又 王永清等潛聚於廣南大師分路搜討胡國柱王 李匡等復合潰衆於迤西夏國相馬起隆廖進忠 集流移動的召買萬姓踴躍晝夜輕運未幾伊關 督桑格迎戰於呂合禽之時胡國柱王給王公良 将馬寶自遵義由尋甸奔楚雄都統希福雲南提

とこりらんか 戝 統 賴塔進兵銀錠山蔡毓崇奪重關及太平橋移占 由永寧會師於雲南十月初八日大師移營逼城 棟由建昌渡全沙江鎮安将軍都統噶爾漢護軍 趙良棟王繼文奪玉皇閣遂至東西寺章泰策應 副 悉磔於市迤西廣南平八月宣威将軍紀哈里同 領佟雅副都統得爾德翁艾署副都統張長庚 悉力拒守王繼文遣人自鶴慶北勝運紅衣砲 都統希福覺羅西布勇署将軍雲貴總督趙良 重南通志

銀完四母全書 蔡毓榮攻大東門林興珠攻草海賴塔攻銀錠 世 殺 並分兵攻近華浦四面逼城復遣余從龍入城招 從龍吳成鰲出降趙良棟王繼文領兵攻得勝橋 至銀錠山晝夜攻擊賊大懼章泰等復書告示射 撫二十八日城中賊亂線絨等擁兵入郭壮圖家 入城中諭以順逆賊皆有離心二十二日賊黨余 播亦自殺線減吳國柱吳世基何進忠黄明等 壮圖心腹郭得勝壮圖及其子宗治舉火自刎

久己日中 A 与 聞 命勇略将軍趙良棟回京定遠平冠大将軍貝子章泰 陸續凱旋 征南大将軍賴塔領滿兵暨楚學山陝各路漢兵 門籍吳世璠家産以 京師三十日章泰遣穆占馬齊入城大兵分守各 範於市斬世璠壮圖首級並發吳三桂屍俱函送 二十一年以綏遠将軍聚毓榮總督雲貴 開門出降城下之日兵不血刃隨磔方光琛方學 **S** 冥南通志

陛見起行任二等遂狹黨噪叛欲肆刮掠奔合楚兵右 命馬齊為鎮安将軍同護軍統領佟雅副都統得爾德 領滿兵回京 撫賊欲出不意攻霑益州承熟預檄千總孫廷標 希福留鎮雲南 敷麥良璽及曲靖鎮中軍遊擊張國勲等相機剿 營遊擊宣起鳳力戰不支總督范承勲遣遊擊 二等作亂時楚省兵變副将廖貴 二十七年七月援剿左協兵丁任 二十三年十月鎮安将軍馬齊

金分正屋台書

たこりき ニナゴ 討之 年四月調官兵恊剿貴州三江濃苗 悉令歸伍亂乃定 二十九年十一月新平縣上 十五年九月奸民李天極等謀亂伏誅 敷檄臨元鎮總兵王洪仁援剿遊擊劉師周合兵 巡檢李尚義誘集土夷數干大肆焚掠總督范 與宣起鳳內外夾攻賊黨潰散禽任二等誅之 月武定府撒甸土首常應運等挾響相攻總督 三十年李尚義被禽自殺餘黨悉平 蛋角通志 五十七 四十 四

古三路進兵至是五哥等赴滇駐割以候會師進討 命都統五哥副都統吳納哈噶錫等領江寧杭州滿兵 金石四月五十 凌敦多布襲取西藏殺拉藏罕湯古忒及蒙古人 月 五十九年五哥吳納哈領滿兵二千名鶴慶鎮總 民驚惶奉 二千名駐雲南先是準噶爾賊策妄阿拉布坦遣策 蒋陳錫遣官兵討禽之請設兵防 五十八年

へこりこと ことう 命五哥吳納哈領滿兵五百名進藏駐防副都統噶錫 大兵凱旋留趙坤統緑旗兵三百名駐防 克取墨竹工卡等處策凌敦多布敗走遂復西藏 年六月復 **木道會四川兵同将軍噶爾弼前進招撫結敦七** 名及麗江土司兵五百名進藏六月五哥等至查 月攻取喇里禽藍占巴丹巴招撫工布竹貢八月 兵趙坤永北鎮總兵馬會伯領緑旗兵一千五百 雲南通志 五十二

|銀定四庫全書 雍正元年九月副都統吳納哈領滿兵自藏回雲南 旋回江寧 領兵捕之景明等逃入土曼方四陳哈巴寨内復 旗兵自藏回雲南 腦兒羅卜藏丹津犯西寧邊界 遣人招諭之景明及方四等出降 十二月苦苦 人攻殺裸目施和尚總督高其倬遣遊擊李化龍 領餘兵回江浙 六十一年六月總兵趙坤領綠 十月魯魁土賊方景明等聚衆數百 卷十六下

命雲南提督郝玉麟領兵二干名駐劉查木道 こうしてき 府禄萬鍾鎮雄土府隴慶侯等時東川新歸滇轄 悉平 回雲南 陳哈巴為官軍追擊自刎死并斬其子阿班野賊 夷刦掠茶山一帶叅将張應宗等率兵進剿八月 官軍追殺獲其妻子有才遁走陳哈巴又糾合裸 方景明黨普有才藏匿威遠土州尋逃入困堅箐 苦苦腦兒平提督都玉麟領兵由查本道 五年正月總督鄂爾泰發兵捕鳥蒙土 雲南通志

銀定四牌全書 藏匿好尤為真點蜀邊地之患野爾泰親至東川 而烏鎮二土府與東郡接壤尚隸四川時行到掠 地改隸雲南 四川官兵追襲其後萬鍾慶侯俱就禽以二上府 檄 珍等率城眾數百人到掠抱母并乗夜至府城焚 煅官解封課縱囚洪度被害總督野爾泰檄副将 初改土設流署府事威遠同知劉洪度初至如 白萬鍾慶侯出鞘二首竟不赴質各携印逃至 火 滇沅夷城 刀如珍率 眾作亂時鎮 卷十六下

くいりら しょう 相繼就撫 至乃遁三月生禽刀如珍等老胖阿達烏圖白得 数千乘機仇殺楊上合諸村寨直通縣城開大兵 餘户時新平江外土賊阿達烏圖白得等亦糾賊 山為車里宣慰司所轄其舍目刀正彦素懷不軌 邱名楊等領兵追剿前後禽斬三百餘人招撫干 沅叛夷聚眾肆掠焚煅鹽倉總督野爾泰檄**条将** 張應宗領兵討之二月威遠裸黑老胖等結連鎮 四月茶山芥芝夷賊麻布朋等叛茶 蜜南通志

新江四月在電 命雲南及川陜二省大員領兵往藏安頓料理開化鎮 乞降麻布朋通匿慢了慢五諸窩泥寒官軍捕之 兵報仇戰闘相持 拉布巴等殺康齊縣其康濟縣下頭目坡羅縣帶 檄 条 将 邱 名 揚 等 領 兵 進 剿 欲奪土司世職至是陰煽諸夷為亂總督鄂爾泰 偷李定海捕莽芝賊擊走之復遣人招撫賊黨多 總兵南天祥領官兵駐防查木道 卷十六下 六月西藏噶隆阿 邱名楊遣守

しこうら いよう 總督鄂爾泰發兵討法戛土酋禄天佑等初天佑 至九龍江外乃遣遊擊雷應萬赴橄欖壩禽捕 剿諸寨皆平廉知係刀正彦主使将誅之正彦逃 戰兩畫夜退至慢岡賊衆復自四山箐內衛截官 拒戰奮擊敗之賊遁走總兵孫弘本親赴倚拜督 山窩泥聚衆數千人封奪糧運進圍官軍定海連 窩泥助逆九月李定海兵至倚邦攸樂及江內各 軍把總王朝選被害十二月邱名揚至蠻坡賊宋 雲南通志

銀年四月全書 以天祥妻沙氏管理其地天佑遂烝沙氏為妻私 鄂爾泰檄祭将魏耆國楊國華領兵分道進剿天 造軍罷謀為不軌至是復遣其子刦掠附近居民 代其兄天祥為法夏土目擅殺東川兵懼罪許死 奔潰入九龍等官軍進攻復遁入多顆落 攻克石城各隘魏耆國亦攻破花椒園禄天祐等 佑及沙氏屯集三岔口花椒園率賊眾拒敵殺傷 兵練官兵奮勇夾攻乃敗走 **P** 卷十六下 六年正月楊國華 莽芝

7.2.10.101 X.1 Min 隸雲南管轄永孝緣事執赴省獄有司并拘陸氏 抗拒不出至是副将郭壽城領兵三百往捕之陸 陸氏贅其夫兄永孝謀襲土職未就尋以其地改 橄欖壩李阿先等復叛統兵討平之 烏蒙米貼 弁追刀正彦至猛腊禽之時提督郝玉麟在茶山 箐為官軍所獲沙氏跳崖死 三月邱名楊遣将 上 婦陸氏叛初四川磨坡長官司禄永忠早死妻 賊麻布朋就禽 雲南通志 二月禄天佑遁入老鳥老雪山 至之

固跨等謀到營遣賊黨往四川吞都土千户徳昌 吞 都井底生總督鄂爾泰檄祭将哈元生領滇點 告糾兵助逆於是月十二日 攻殺毒城陸氏道 諸處殺賊數千人墮崖溺水者無算五月官軍追 領兵直抵吞都攻破蛇腰馬生及門坎山五險屯 兵討之并檄總兵張耀祖會兵進剿立之户吞等 氏 見官軍至藏匿箐中潛與頭目立之户吞野鷄 於各要隘口設滾木擂石據險拒守四月哈元生 卷十六下

多方四月百十

シャンのは とは回る 勅雲南總兵張耀祖領滇縣兵分路堵截鄂爾泰調兵 命四川提督黄廷桂統兵討之并 三千助之復令哈元生於江外防守 七月廣西 貼與陸氏世為婚姻賊黨多竄匿其地四川副将 徳昌尋亦就禽時四川雷波土司楊明義密邇米 糧運殺傷官兵事聞 陸氏至羊泥箐獲之并斬立之户吞等野鷄固跨 張瑛檄明義赴營諭之不至其所屬部落復截到 雲南通志

銀分也人人 恭順哈元生之赴江外也留之行營候調阿資母 目 見其子人不歸疑有變又聞元生以事鞭撻其頭 殺持首出降八達賊寨皆平楊洪等兵回雲南 副将楊洪領兵赴粤助剿八月顔光色為其下所 九月四川兵禽楊明義恭將哈元生等撤兵回時 西隆州八達寨穠苗顏光色作亂總督鄂爾泰檄 乃與阿資妻父拖科覺過等謀襲官軍是月二 阿驢土司阿資年幼不能約束夷人然頗效

七年正月西藏平總兵南天祥領兵回雲南 福萬貴首先來歸凡所調遣無不用命及事平改 事當按訊其季父禄鼎坤凱得代襲其職率子萬 軍奮勇攻破諸巢穴拖科覺過等俱就禽泉斬 年八月烏蒙夷賊禄萬福叛先是上府禄萬鍾以 督 鄂爾泰調諸營兵會川兵往剿賊衆員險拒敵官 總死者四人兵亦多被傷殺元生力戰潰圍出總 十二日元生還至阿驢賊衆突出圍之數重干把

欠足日華全書

雲南通志

五十九

見鼎坤失望臨行與其子及頭目數十人密約在鳥伺 川凉山蠻數萬踵至遊擊劉崑馬東倫等力戰死 遂於是月二十五日集賊衆數干圍府城復引四 問倡亂會東蒙鎮總兵劉起元撫馭不善萬福等 盤路總督鄂爾泰調滇縣漢土官兵分道進剿檄 武官弁及家口死者甚眾大関魯甸一带悉為賊 起元潰圍出亦被殺於荔枝河符印皆失其他文 設流授鼎坤守備赴都引 卷十六 九己日事人日 一 黨解散副刀旋亦就禽鎮雄始得無事是月十 破之又有刷刀等以逆書要約故土府龍縣萬妾 施額法漏亦聞風蠢動起於奎鄉然将韓熟連擊 **新國總統東川一路并趣雲南提督張耀祖赴功** 二禄氏為亂二禄氏不從飛馳各寨諭以順逆賊 各四哥乘釁殺阿興土十户安永長鎮雄州逆目 山居中指畫九月烏賊分掠永善縣吞都土舍木 安籠鎮總兵哈元生總統威寧一路中軍副将魏 熏南通志 六十

金グロカノニー 檄楚姚鎮總兵官禄往接提督張耀祖分兵策應 梗郵遞不通翥國遣人朋行赴省請兵鄂爾泰飛 進逼郡城魏都國屢出兵擊之賊勢轉威道路阻 日東川土酋禄良珍禄承爵通於烏賊焚掠村寨 不前野爾泰連撒趣之始於二十八日進東川旋 敵奮擊敗之明日復戰元生臨陣親射死夷目二 人官兵乘之餘賊大潰時官禄聞東川賊衆恇怯 一日哈元生領兵至得勝坡城衆二萬餘迎

渡江至魯甸適遇哈元生遊巡兵為夷賊數干人 木筏以待東 川兵至會剿十一月遊擊王先領兵 圍困內外夾擊大破之時所檄四川兵已抵豆沙 林直抵烏蒙恢復府治隨遣将於牛欄江邊監造 元生與成貞夾擊斬賊數千人遂由稻田壩過松 副将徐成貞自得勝坡進兵至以那遇賊二萬餘 夷賊逃竄東川路乃得通十月初八日哈元生同 下今閉塞四門坚守不出會大軍雲集搜捕各寨

AND IN THE PARTY

雲南通志

六土

金牙四月白書 真兵搜箐殺獲無算大關既復韓勲遣将進取永 善哈元生亦傲貴州副将劉朝貴搜剿京山一帶 奔潰遂復大闋川兵亦於前一日攻克小闋因會 兵應援負知大闋賊尚衆分三路奪其岩棚諸賊 闋而韓勲既連破鎮雄夷賊復進抵伐烏闋為 過 約至永善會合時四川遊擊王谷宰領兵自井底 哈元生攻破鼠生獲東家鎮印信鄂爾泰今徐成 江轉戰而前斬賊二千餘級亦抵縣城十二月 卷十六)1

というらんときつ 命發雲南兵一千名駐防查木道先是查木道原駐雲 南兵一干後議泰寧駐兵二千已足遥應西藏遂 珍等俱伏誅軍功陛賞有差速官禄下獄 九月 搜獲禄良珍禄承爵等東蒙悉平時禄鼎坤已授 貞署理隨捕禽賊首禄萬福祭将南天章亦先後 撤回至是以馬臘奏稱查木道係通藏之要路且 河南歸德營恭將押解赴真究訊得實與萬福良 雲南通志 竹二

銀牙四月子 雲南通志卷十六下 與滇省相近仍遣雲南兵一千前往駐劄